



Universitätsbibliothek Paderborn

**Avla ... Thesavorvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1655

§. 122. Tunc cœpit detestari & iurare quia non nouiſet hominens.

urn:nbn:de:hbz:466:1-45515

§. 122. Tunc capit detestari & iurare quia non nouisset hominem.

Abyssus abyssum inuocat; Petrus de peccato in peccatum ruit, adeoque sibi funem peccatorum ne dicit ut dicere possit: *funes peccatorum circumplexi sunt me*, qui enim semel deliquit audacior & paravior redditur ipsa sui impunitate ad sepius delinquendum, vnde & tertio negat eadem facilitate, nec dubium, quin sepius negasset, si sepius interrogatus fuisset. unde S. Augustinus, *Deo gratias*, inquit, *quia cessauit interrogatio, si non cessaret interrogatio, diu repeteretur negotio*. Qui per scalam cadit de supremo gradu ad imum decidit, ita feta in peccatis sit. 1. enim simpliciter negavit Petrus Christum. 2. cum juramento, 3. cum execratione: peccatum enim pondus est quod semper ad inferiora trahit, & maiora peccata generantur ex minoribus, si cuti ex furtis obolorum deuenitur ad furtar florenotum; hinc ad rapinam, tandem ad homicidia & latrocinia.

Sed cur in tantum labi permislus est à Deo Petrus? 1. in pœnam præsumptionis eius, ex qua etiam pericula peccandi adiit & se contra ea non muniuit. 2. ut in illo totum genus humanum posset agnoscere, nihil se sine Dei gratia præualetere, ac præclare in ipso exordio Ecclesiæ Pelagianus error confutaretur, qui sine gratia Dei opinabatur liberum arbitrium hominis posse bonum operari & in bono perseverare. Certe aliud nos S. Petrus docet verbo & exemplo suo. 3. ut Petrus disceret, ubi pastor generalis futurus Ecclesiæ compatipœnitentibus & largiri misericordiam; 4. ut in sublimi eo statu disceret humilitatem. 5. in solarium pœnitentiam ut Marcellini, Theophili & similium, ne quis desperet de Dei misericordia, cum Christus Petro non modo tam facile ignouerit, sed etiam post lapsum tanta beneficia contulerit. 6. ut disceremus credere verbis Christi.

Domine Iesu scio & confiteor coram te & omnibus creaturis me multo maiorem esse Petro peccatorem, qui non in tria modo peccata incidi sed in mille & amplius, heu dolor! da obsecro gratiam ut cum Petro redeam ad pœnitentiam, & ea defleam antequam hinc inigrem, ne moriar extra tuam gratiam, & à te separer, qui cupio tecum viuere, & manere semper.

§. 123. Et continuo gallus cantauit v. 74.

Cantauit gallus & ita cantauit, ut Petro cantuseius proficeret ad salutem, & tanto amplius prædictio Christi confirmaretur & infallibilis appareret. sicut igitur hæc verificata est, ita verificabuntur & aliae ciuidem de die Iudicij, de retributione malorum, & eternitate pœnarum, stridore dentium & fletu &c. etiam si putent impij peccata sua fore semper occulta, & impunita,